

武備

郡地據上游毗連荆楚實為江右一門戶歷朝守險扼要較他郡為最先

國朝自藩逆底定民不覩兵革者數世往昔粵匪竄境官軍節次蕩平而投袂從戎鄉團實聯臂指之勢紀兵而兼述其事則所以作士氣而激民心者當益求其方焉

兵制

袁州協鎮設副將一員都司二員守備二員千總四員把

袁州府志

卷五

武備

兵制

總八員轄戰守馬步兵一千六百名歲糜俸餉銀三萬二千八百兩有奇順治十三年巡按江西御史管重光據分守湖西道田厥茂議疏請裁將領以省糜費以裨實用其畧曰設兵原以固圉設將原以練兵兵不知簡將不習兵是以兵與敵也袁協鎮兵一千六百名今奉調閩楚併缺額其六百九十名餘而猶設兩都司兩守備四千總八把總不幾十羊九牧乎兵欲足額非招募不可而招募實難別營之逃卒既無籍可稽土著之懦夫雖有籍無用計莫若擇土著之精強者招補足一千名之數仍以副將彈壓而止以一都司一守備二千總

四把總分理相地置兵因兵設將則兵將適得其平矣
疏奏

詔可之於是始議留都司一員守備一員千總二員把總
四員兵制漸定始無糜餉之患

袁州協營兼轄臨江駐劄袁州府原經制官八員馬步戰
守兵丁八百名康熙二十三年奏裁一百名三十四年
又奉裁二十三名見設副將一員中軍都司僉書一員
千總二員把總四員馬戰兵七十名步戰兵一百一十
七名守兵四百九十名各官自備征馬三十八匹兵戰
馬七十四匹雍正三年以南昌鎮標後營遊擊移駐銅鼓

袁州府志

卷五

武備 兵制

二

營原設守備一員帶領把總一名兵丁一百二十名征
馬六匹駐防萬載縣 通志

袁州協于康熙十三年棚寇爲逆改協爲鎮特設總兵官
一員康熙二十一年仍復爲協額定副總兵官一員中
軍都司一員千總二員把總四員兵丁八百名兼轄臨
江其清江新喻分宜宜春萬載萍鄉六縣各汛分撥千
把總帶兵巡防至康熙二十三年奉文裁減兵丁一百
名康熙三十四年又奉文裁減兵丁二十三名雍正六
年內奉文將萬載縣汛改歸南昌鎮標銅鼓石營管轄
其本營原防萬載縣汛把總兵丁撤調回營分防宜春

縣汛雍正七年奉文額設經制外委千把總四員分撥各汛與防汛千把督兵協防乾隆十年奉查江西形勝衝要惟宜春之太平關萍鄉之桑山關插嶺關石灰營關為楚省必由之路實江省之藩籬袁郡之要害太平關石城殘闕案山關塌燬無存插嶺關僅留舊址石灰營關惟有磚門分別修建添丁防守旋經議詳准撥協防宜春外委千總一員帶兵九名巡守太平關又撥存袁兵五名巡守案山關案山係萍鄉縣地即令防守萍鄉把總外委就近管轄稽查插嶺關亦萍鄉汛原兵一名添撥兵四名共五名石灰營關離湘東汛不遠尙堪

袁州府志

卷五

武備 兵制

三

兼顧未經另撥現在協營額定官八員外委四員馬步戰守兵丁六百七十七名營馬七十四匹各官經制例馬三十八匹 營冊

副總兵官一員

歲支俸銀五十三兩四錢五分零心紅紙張蔬菜燭炭銀三百二十四兩坐馬十二

匹每匹乾銀一十四兩四錢餘同

中軍都司一員

歲支俸銀二十七兩三錢九分零心紅紙

張蔬菜燭炭銀一百一十四兩坐馬四匹

千總二員

歲支俸銀各十四兩九錢六分零薪蔬等銀各

三十三兩三分

把總四員

歲支俸銀各一十二兩四錢零坐馬各兩匹

兩五錢二分零

外委千把總四員

雍正七年奉文添設

戰馬糧餉

右袁臨協本營共額設官一十二員

額設經制馬一步九戰三守七馬步戰守兵丁八百名內

康熙二十一年奉文裁減馬戰兵十名步戰兵二十名

守兵七十名共一百名康熙三十四年奉文裁減步戰

兵二十三名現設馬戰兵七十名每名歲支餉銀二十四兩米三百六斗

步戰兵一百一十七名每名歲支餉銀一十八兩米三百六斗守兵四百

九十名每名歲支餉銀一十四兩米三百六斗兵戰馬七十匹每匹歲支乾銀一十

四兩四錢

右袁臨協本營共額設兵六百七十七名又於實在數

內分爲四停弓箭兵二百七十三名鳥鎗兵三百三十

六名大炮兵二十八名藤牌兵四十名大炮藤牌原額無此二停乾隆

袁州府志

卷五

武備 兵制

四

十八年奉文將弓箭兵改設

一駐劄分防

駐劄袁州府城副總兵官一員都司一員統領馬步戰守

兵丁三百八十名防守居中調度

分防附郭宜春縣千總一員把總一員帶領馬步戰守兵

丁五十二名防守所管水陸塘汛內把總一員係雍正六年奉文將萬載縣

汛改歸南昌鎮管轄其原防把總一員係丁八十一名撥歸回營歸伍派撥巡防

管轄水塘五處每塘設立塘房一所瞭樓一座烟墩三個

炮臺一座哨船一隻防守塘兵各五名共二十五名水次

塘 下浦塘 朋津塘 白沙塘 西村塘

旱塘四處每塘設立塘房一所瞭樓一座烟墩三個炮

臺一座防守塘兵各二名共八名彬江塘 七星塘 地汝塘 澗富塘

分防宜春所屬太平關外委千總一員帶領兵丁十一名

巡防乾隆十年奉文修葺關門 詳撥外委一員防守巡查

慈化隘派撥步戰管隊一名帶兵八名巡防

管轄汛防地方東至彬江與分宜縣界連西至分界舖與

萍鄉縣界連南至澗富嶺與吉安府安福縣界連北至

周家市與萬載縣界連

分防萍鄉縣把總一員外委把總一員帶領馬步戰守兵

丁五十六名咸豐六年奉文調撥臨江千總改駐萍鄉 外委改駐揮嶺關其萍鄉把總改駐臨江

袁州府志

卷五

武備 兵制

五

管轄水塘三處每塘設立塘房一所瞭樓一座烟墩三個

炮臺一座哨船一隻防守塘兵各五名共一十五名火燒

橋塘 宣風市塘 金魚石塘

旱塘八處每塘設立塘房一所瞭樓一座烟墩三個炮

臺一座內四塘防守塘兵各五名共二十名蘆溪市塘 插嶺關塘

洲東市塘 案山關塘又四塘防守塘兵各一名共四名上栗市塘 高岡舖塘

草市塘 分界舖塘

管轄汛防地方東至分界舖與宜春縣界連西至揮嶺關

與湖南長沙府醴陵縣界連南至東坑與湖廣長沙府

攸縣界連北與湖南長沙府瀏陽縣界連

分防分宜縣把總一員帶領馬步戰守兵丁四十四名

防永陸塘汛兵二十一名餘駐防縣城

管轄水塘四處每塘設立塘房一所瞭樓一座烟墩三個

炮臺一座哨船一隻防守塘兵各五名共二十名

江斜塘 就江塘 昌山塘 金堂塘

早塘一處設立塘房一所瞭樓一座烟墩三個炮臺一

座防守塘兵一名

界首塘管轄汛防地方東至界首與臨江府新喻縣界連西至彬

江與宜春縣界連南至父子坊與吉安府安福縣界連

北至馬湖與瑞州府上高縣界連

袁州府志 卷五 武備 兵制 六

兼轄臨江分防新喻縣把總一員外委把總一員帶

領馬步戰守兵丁七十七名

內撥防水陸塘汛兵五十名餘駐縣城又

清江縣千總一員外委把總一員帶領馬步戰守兵

丁六十八名

內撥防水陸塘汛兵二十一名餘駐府城額設小哨船共二十五隻分撥宜春縣汛水塘五處各一

隻萍鄉縣汛水塘二處各一隻分宜縣汛水塘四處各

一隻新喻縣汛水塘九處各一隻臨江府附郭清江縣

汛水塘四處各一隻

以上分防五縣城文武會哨酌議副將總巡帶兵十二名於所轄地方隣邑隣省各交界處所每年會哨一次

都司季巡於冬夏二季帶兵八名於所轄地方隣邑隣省各交界處所每季會哨一次防守縣城千把外委月月會哨一次兌換旗籌遵照乾隆十八年咨商各省會哨定例

現存軍火器械

法煩炮一十二位防禦袁郡四城門每門百子炮五位子母炮一位威遠炮二位馬蹄炮一十一位三眼鎗九桿鳥鎗三百三十六桿青布繡蟒鐵盔甲七十頂副青布滿天星鐵盔甲二百七十一頂副青布鐵盔實行棉甲三百三十六頂副藤牌四十面牌刀四十口挑刀十口虎帽虎衣虎褲襖帽各四十件青緞號帽五百六十頂青布鑲紅夾布號掛二百三十八件綠緞金龍大旗十四面綠緞五彩龍大旗十四面綠緞金龍小旗七十面綠緞五彩龍小旗五十面

袁州府志

卷五

武備

兵制

七

紅緞紅旗二十四面色緞衝鋒旗二十面油布大旗一十六面油布小旗八十面油布紅旗一十六面色布衝鋒旗十面大涼蓬一頂小涼蓬一頂帳房一百四十五頂銅鍋鐵鍬斧鏟鋸各一百四十五副戰鼓十面銅鑼二面鐵月斧二百五十把預備火藥三千三百餘斤戰纛旗桿一十二桿各勛廢鐵斧鏟各十把戰纛旗桿一十二桿各兵自備弓二百三十八張各兵自備撒袋箭把箭三千八百八枝各兵自備戰箭七千五百四十枝各官弁自備戰箭一千三百三十枝各兵自備腰刀六百七十口

其餘什物均各兵自備

乾隆三十八年裁歸臨江營千總一員外委把總一員馬

戰兵八名步戰兵十三名守兵六十名四十八年刪除

公費守糧十七名嘉慶二十年奉文陸續裁減馬戰兵

七名守兵三十五名實共兵丁五百三十五名又道光
 十一年奉文陸續裁減馬戰兵四名步戰兵六名守兵
 三十五名二十二年奉文裁減馬戰兵一名步戰兵一
 名守兵三名實共兵丁四百八十五名內馬戰兵四十
 四名步戰兵九十七名守兵三百四十四名撥萍鄉馬
 戰兵二名步戰兵七名守兵七十二名撥分宜步戰兵
 三名守兵三十一名撥新喻步戰兵三名守兵四十九
 名共撥三縣汛馬戰守兵一百六十七名存城戰兵八
 十四名守兵一百九十二名馬兵四十二名總共存城
 馬戰守兵三百一十八名 參各縣新志

袁州府志 卷五

武備 兵制

八

萬載縣營制

駐城守備一員

歲支俸銀一十八兩七錢六釐薪銀四十
 八兩心紅紙張銀一十二兩蔬菜燭炭銀

一十二兩馬四匹每匹歲
 支乾銀一十四兩四錢

把總一員 歲支俸銀一十二
 兩四錢七分一釐

入毫四忽薪銀二十三兩五錢二分八釐一毫
 六絲馬二匹每匹歲支乾銀一十四兩四錢

分防外

委把總一員

即歸馬戰數內每月支
 銀四兩七錢米六斗

額設馬戰兵十二名

每名月支銀二兩米三斗
 戰馬十二匹 每匹月支
 乾銀一兩

二步戰兵二十四名

每名月支銀二兩五錢米三斗
 守兵八十四名 每
 名

月支銀一
 兩米三斗

早塘四處

黎源汛塘

外委把總二員帶兵二十
 名防守離城一百二十里
 嚴田塘

防兵三名離
 城一百里

楮樹潭塘

防兵四名離
 城七十里

演武停塘

防兵三
 名離城

八十
里

額設馬步戰守兵丁共一百二十名內書識五名弓箭兵
丁七十五名鳥鎗兵丁三十六名藤牌兵丁四名除分
防塘汛兵丁三十名備弁養廉一十四名公費四名書
識五名實在存城操防兵丁六十七名

乾隆三十四年江撫吳紹詩移守備駐南昌祇留萬把總

一員協防萬載哨外委一員養廉馬兵馬戰兵四名戰馬

四步戰兵十二名守兵三十六名以上月支凡裁存兵

丁共五十三名嘉慶二十二年奉裁一名實存五十二

名內書識一名弓箭兵二十七名鳥鎗兵二十四名泰

袁州府志

卷五

武備 兵制 九
阨塞

新志

阨塞 附

萬勝岡在府城東五里楊吳時柴再用與米志誠討劉景

崇每出師岡下不戰一日列陣岡南大敗之九國志

大將嶺通志作在府城西北九十里周回約十五里山腰

有泉名水漿湖相傳隋煬帝時戰場通志

分水嶺在府城東南六十里與嚴營山寨相近皆防扼峒

寇之所

澗宮嶺在府城南六十里與安福縣接境宋嘉定四年嘗

於此置寨以遏郴寇通志

喝斷山即太平關在府城北一百二十里與萬載縣萍鄉縣及湖廣之瀏陽縣接境兩山峙若天門中通一徑為

八省咽喉通志

峽山寨在分宜縣南其地山峻水險高崖峭壁舊傳李克用駐兵於此遺址尚存

豸跡嶺在萍鄉縣南三十里山勢聳巖石形類豸上有土

濠相傳元季禦紅巾賊扼險於此通志

蘆溪鎮在萍鄉縣東五十里又名聖岡嶺晉太興元年陳敏儻至江東與杜弢謀相應元帝遣鎮南將軍陶侃水陸二道來伐又元帝渡江使甘卓領兵駐此築壘五所

袁州府志

卷五

武備 阨塞

太平寰宇記

保子園在萍鄉縣西五十里元知州奏命金踰領兵以禦安福大磴山寇於此創營民賴以安故名其園曰保子

通志

鄆玉塞

嘉靖志訛為燕玉塞

在萬載縣西三十五里湯周山宋靖康

間鄉寇雲擾玉聚鄉民立寨柵屯堡於此舊有石壇存

黎源哨在萬載縣北百二十里舊稱袁州要害在於萬載

而萬載之黎源與奉新之百丈新昌之黃岡靖安之雙

坑武甯之黃竹五洞相連俱潛通大瀉山複嶺重巖既

有險可恃而民貧地僻亡命易於嘯聚高歷三年巨盜竊發江廣兩省會勦得其渠魁盡燬深林密菑始克平定萬歷五年撫院潘季馴題請善後事宜議立黎源哨撥兵防守

鷄籠山營房在萬載縣路通上高宜春山高徑窄最易藏姦舊設有兵今撤塢溪哨亦一要害也

武事

晉

太興元年陳敏儋王江東與杜駿謀相應元帝遣鎮南將軍陶侃水陸二道來伐又使甘卓領兵至萍鄉縣東築

袁州府志

卷五

武備

阨塞

武事

十一

壘連接五所號為甘卓壘城塚志

南齊

蕭穎胄弟穎孚及廬陵人修靈祚補史作景聚兵二千人與

甯朔將軍范僧簡進尅安成廬陵內史謝纂軍主彭益

劉希祖以三千人攻安成七日城陷殺范僧簡穎孚等

奔潰蕭穎胄傳

梁

大同八年壬戌春正月安成人劉敬宮綱目作躬挾妖道聚黨

攻郡內史蕭倪棄城走張綰及王僧辯帥眾討平之梁書

按江西大志云大軍嶺有陪場帝時戰場林士宏蕭

銑迭據其地

後周

太祖廣順元年辛亥南唐保太九年秋九月命邊鎬出萍鄉以討

楚亂十國春秋

按南唐書云邊鎬以信州屯兵出宜春討長沙破其軍於龍回關

宋

袁州萍鄉制置使劉茂忠破潭師於境內拜茂忠袁州刺

史南唐書

萍鄉寇犯袁州岳飛親授統領徐慶王貴方略未幾悉平

袁州府志

卷五

武備 武事

十三

武穆傳

元

元統四年戊寅元統元年係甲戌則四年並非戊寅且元統亦並無四年通志誤夏六月

袁州民周子避反僭稱周王偽改年尋擒獲伏誅元史通志

元統八年戊子元統並無八年亦無戊子通志誤萬載妖人彭國玉以白

蓮惑眾倡言穢豆成兵飛茅為劍謀不軌事敗竄入麻

城合鄒普勝之眾數萬以紅巾為號袁州遺事通志

至正十二年壬辰徐壽輝將歐普祥陷袁州通志

明

崇禎十年丁丑冬十一月臨藍流賊數千自楚陷萍鄉乘

勝東下知府解經達推官陳瓊先期告急時巡撫解學龍檄守道郭必昌巡道王庭梅各以臨吉兵會自督兵三千爲之後未至賊抵城下掠附郭數十里城中拒守者半月諜獲賊內應趙大春等斬之翼日省兵至因塘撥失悞遠深入反爲賊敗西北兩門雲梯並進會萍鄉知縣陳之敦以失城乞師於楚得辰兵五千人來援城始獲全

通志

十一月二十五日臨藍賊劉新宇陷萍鄉賊聚黨數千人從醴陵之淥口舍舟趨萍時承平無備城遂陷縱火大掠是夜雷雨交作二十九日賊攻郡城西門大肆焚擄

袁州府志

卷五

武備 武事

十三

十二月初二日賊自西門分兵渡北關賊先布奸細趙大春入城謀爲內應至期集黨西城假以降神欲砍門引賊初三日諜獲斬之初四日賊掩省兵於東路省兵敗績初五日賊起雲梯兩道並進攻西北兩門城上以死拒守懸金募燒雲梯初六日居民文繼廷糾義勇彭新橋萬良臣以昔隨孫閣部承宗軍中守城虎蹲銃衝斷左右挽梯布緦雲梯橫倒聲如雷裂良臣等挾短刀縋城下焚之閱兩日賊稍却城得不陷是日省兵合吉兵戰於北門賊自東門渡江迎戰我兵復敗績初八夜彭新橋等潛渡北關縱火焚賊營賊還西門合寨弁力

攻城十一日萍鄉知縣程之敦以辰兵至大戰賊於城西城中鼓噪相應賊敗走攸縣袁城解嚴

癸未冬十月張獻忠陷萍鄉十二月左良玉遣兵擊破之

初獻賊告警於長沙偽鎮醴陵之畢登雲

萍志作鳳雲

登雲

曾質於萍知萍虛實十月引賊破插嶺關守備陳平策戰死殺義兵百餘割鼻斷手者不可勝計遂陷萍城如入無人之境踞民房擄財物設偽官取騾馬十一月張化龍統賊十餘萬自吉袁趨萍盤踞月餘賊偽官在城賊眾咸駐南門外焚擄劫殺屍骸遍野牲畜俱盡十二月總兵左良玉兵至賊潰奔楚左兵駐萍一月殺擄甚

袁州府志

卷五

武備 武事

十四

於賊兵萍人竄伏深山不見天日者數月流亡蕩析九死一生萍之彫殘破壞莫甚於此矣當是時天井窩棚寇邱仰寰起萬載據袁州十月初九左帥副將吳學禮督馬步兵五千自潯至殺賊班師十三日獻賊偽將畢登雲自萍趨袁札營演武亭二十五日賊大隊至鄉紳袁繼咸以昔撫鄖嘗困賊賊於袁氏村焚洗一空貢生張兆蘭糾集義旅謀復城不克死之十一月二十五日左帥鎮將馬進忠王允成李某等大兵至賊先期棄城去左兵扎營四路綿亘各數十里橫殺袁境至十二月二十五日啓行甲申正月方悉營還楚惟別將楊驪龍

一營二月初十方拔營還潯計兵賊擄殺凡三月城中
檢埋死屍五千有奇察還擄匿婦女八百四十一口殺
戮之慘與萍鄉同

十六年癸未秋八月張獻忠陷長沙降將尹先民何一德
願効前驅進取江西獻忠悅偽封世襲伯九月賊前鋒
至袁州獻忠至萍鄉知縣築城走萍鄉士民牛酒遠迎
賊賊陷萍鄉盡焚公廨屋廬空其城獻忠歸長沙分兵
徇分宜十月賊陷萬載陷袁州左良玉遣副總兵吳學
禮來援次分宜進圍袁州偽將邱仰寰拒守都司高山
奮身先登斬賊二千四百奪馬六百擒斬仰寰復袁州

袁州府志

卷五

武備 武事

五

時江西袁州吉安臨江人民多徙山谷官兵淫殺俘擄
三郡苦之所在屯結以拒官軍巡撫郭都賢檄撤左兵
回九江招土著以戍三郡官兵既撤賊自長沙突至吉
安兵備岳虞密方閱軍於郊聞報潰走吉安諸縣同日
陷賊設偽官改吉安爲親安府廬陵爲順民縣賊將張
其在發僞檄馳下袁州兵民皆傾城先竄賊復入袁州
良玉令馬進忠等將兵赴袁州十一月江督呂大器兵
復吉安進忠等兵至分宜賊盡竄袁州進攻之賊開門
西走追逐三十里復袁州盡誅諸僞官斬首三千級奪
賊馬五百弓矢數萬是月設南贛兵三千以副總兵鄭

鴻達統之十二月獻忠遣兵陷建昌又陷撫州南豐明年獻忠棄長沙入夔州

通志

癸未秋八月萬載天井窩有姦民邱仰寰盧南陽等與獻賊應悉眾來攻知府霍子衡知縣朱茂暲嬰城告急巡撫郭都賢移鎮袁州聞賊至旋南昌吏民竄匿城遂空浹旬邱賊乃至左帥副將吳學禮督兵五千自潯來援賊遁班師又云十一月左帥鎮將馬進忠王九成等督兵再復袁州左兵淫殺百倍於寇宜春化北鄉林田石洞深邃廣濶居民避入洞內兵以火薰之死者千餘人分宜梁家坊居民避入毬嶺洞左兵亦以火薰之死者

袁州府志

卷五

武備

武事

六

八百餘人

通志

國朝

順治二年乙酉夏六月大兵至袁

通志金聲桓令前營劉一鵬攻袁州守將胡纓

潰明楚帥黃朝宣與袁將蒲纓

通志作胡纓

敗奔肆虐絡繹

袁萍間朝宣駐兵鳳凰寨秋八月同知李時輿殉難於萍其僕亦死焉九月初五大兵抵萍朝宣踞萍以西出沒蹂躪知縣陳其謨被執明年九月知縣蘇干令亦被執碎磔貢生彭維祺之父廩生彭冲霄於城西永昌院殘殺居民過半鎮將何鳴陞郭天才張士彥蓋遇時統兵駐府委牟某扎宣風鄭一舉扎蘆溪何富防萍鄉

按新昌副都陳泰來遣所部李淺虵提兵八萬載殺
知縣杜章卿通志

四年丁亥春二月大兵直搗朝宣巢穴與衡永兵夾攻朝
宣潰敗而死是時兵荒疫厲惟萍鄉罹毒更酷

五年戊子金聲桓以江西叛是時蓋遇時領兵駐袁王應
曾立營蘆溪黃朝宣餘黨黃加綬踞萍西勾連楚寇掠
萍十月棚賊作亂蹂躪萍境

楚帥黃朝宣自燕子窩督兵數萬攻袁於城西鳳凰山築
土城開濠爲持久計進逼北城是年正月金聲桓遣副
將白之喬來援朝宣解圍去五月鎮將郭天才拆民屋

袁州府志

卷五

武備 武事

七

置甕城增修敵樓

按金聲桓遣鎮將湯執中蓋遇時及自號義旗者分
踞郡城互相吞併五月執中南下十月遇時西奔袁
城復空十一月三關棚賊率眾據城明年正月城復

正月總兵趙應奎統領遊擊趙應時等馬步官兵由金瑞
進城守遊擊關彪都司汪國樑領馬步兵由白沙桐木
進又遣守備胡文良等領兵由上栗市碧溪前進訂期
夾勦白水楮樹潭老山坑聚錢坑鐵山界蜈蚣巢藍家
巢葛坑南巖紅淺等處直搗黃茅孫家坂老巢陣斬偽
遊擊周良宇卜鳳奇偽都司張問達黃大用歐陽勝湯

吉勝等賊巢盡行焚燬賊首朱永盛曾加印等潰逃
二月遣千總馬光英把總丁魁等恢復萍鄉斬偽守備馬
登雲李正良吳鍾等三月把總陳忠等於長坑擒偽總
兵揭玉卿及其弟文卿遣中軍遊擊李顯宗及防萬遊
擊陳素綸等會勦鐵山界巖前等處擒千總曇雲追至
沙溪湖塘城潭江殺賊千餘擒偽守備孔貴餘賊逃往
瀏陽醴陵四月棚賊復據萬載遣都司趙應時守備楊
朋實會同遊擊李顯宗恢復萬載守將關彪往茶村一
帶撲勦陣斬偽守備江文夾通志

三月棚賊焚擄油木棟一帶地方遣中軍遊擊潘希聖進

袁州府志

卷五

武備

武事

十六

勦斬偽千總支勝吾殺賊二千有餘四月進勦白水老
巢殺賊千餘人

四月棚寇猖獗六月總兵趙應奎遣守備陳素綸等進勦
三關九圖陣斬賊首朱益吾朱翰苑生擒賊首李念松
李瞻我九月賊破萬載城餘黨分踞善和鄉荆橋等處
十月應奎親統兵會同穆都統往荆橋撲勦偽總兵左
宗榜陣斬五百餘級恢復萬載縣擒賊首邱以祥偽知
縣童聖功十一月棚寇引偽總兵黃乃忠等由西村逼
郡城官軍堵截敗之檄防萬遊擊陳素綸撲勦餘賊陣
斬偽監軍道盧景岱賊將漆國勳擒偽守備李忠

七年庚寅春兵守道蔣某統兵直搗黃加綬寨賊黨潰散
加綬暴死妻子俱就擒

康熙十三年甲寅吳逆據長沙夏五月棚賊乘機烏合竊
踞萬載焚戮劫擄復勾偽將韓大任攻陷萍鄉扎營高
岡舖圖攻郡城不克還營肆掠

十四年乙卯正月偽將夏國相高得捷率賊萬餘與棚寇
合築土城於萍鄉縣治後掘棄骸骨折毀墻垣街道砍
伐竹木四郊蕩洗百姓流離

十五年丙辰 安親王岳樂躬率六軍臨袁大破賊於萍
鄉城東流江橋夏國相棄城走遂悉師直搗長沙六月

袁州府志

卷五

武備 武事

九

棚寇復陷萍鄉把總陳某死焉官兵至旋復是年四月
十五日棚寇再陷萬載

十五年新昌寨賊鄔維新揭玉卿等率賊三千餘人踞萬
載六區分劫岐源藏溪觀上諸處又寨下田北四都被
擄男婦百餘口 萬志載自康熙十三年至十五年棚賊
土寇前後實擄殺男婦七千七百餘口

十六年丁巳安福土賊嘯聚焚掠袁境

十七年戊午大兵蕩洗棚穴驅除賊黨民始安業

按通志載袁州棚寇始末云戊午二月偽總兵朱永
盛高玉澤曾加印偽副將范君佐甘孚貞邱加職陳
君啟等領偽兵萬餘人親詣楮樹潭投誠總督董衛

國分散各標效用兵丁入伍食糧願歸農者准回籍
雍正元年癸卯臺灣逸賊温上貴潛匿新昌嘯聚流匪三
月竊據萬載岐源居民驚避知縣施昭庭請兵防禦親
率義勇陳輝玉嚴林森羅老滿等鄉勇百餘人拒賊三
月十七日偵得賊黨將悉眾劫城男女紛紛竄伏時知
府李英適抵縣民稍安十九日官兵至方議進勦義勇
陳輝玉等遇賊格鬪吳細哥陣亡陳輝玉等仍大呼殺
賊賊却奔新昌是時萬載義勇乘勢會合新昌鄉兵荷
鎗夾擊賊大潰温上貴爲新昌十都民盧勺所擒兩縣
各以軍功上陳陳輝玉嚴林森授爲把總羅老滿加一
等以千總卽用被難地方均邀

袁州府志

卷五

武備 武事

三

郵典

驅除棚寇功德碑附 袁州接壤於南爲吳楚咽喉重
地百年以前居民因土曠人稀招入閩省諸不逞之徒
負山種麻蔓延至數十餘萬盤踞深谷卽在太平無事
之秋陰行劫掠一遇變生輒爲亂首崇禎壬午天井盜
起則邱仰寰入據郡城順治戊子金王謀逆則朱益吾
播虐鄉邑己亥海寇犯金陵復揭竿樹幟怙惡不悛當
時惟因循姑息釀成大患頃因康熙十三年吳逆竊據
長沙此輩蜂起響應綿亘數百里焚殺淫擄所過爲墟
萍蕩二邑再陷袁城危若纍卵賴總憲趙公祖以貫日
精忠運如神智畧鷹揚一怒出萬姓於湯火之中遂梟
渠帥朱益吾殲羣醜李念松王乃忠等卒使環袁以內
輒禱祀難忘者也尋復招楚界負隅窮寇盡數投誠且
搜剔三關九圖遺類勒令回籍是一時倒懸之厄可解
而百年難拔之患獲除但棚黨奸狡百出陽托旋里陰
匿近境者實繁有徒幸逢府憲 軍憲揚縣尹王會同

總領梁洪慮各屬鄉闕不戒從前之人失復於滋蔓與袁
民約東再三嚴行保甲之法逐戶必營查驅毋俾遺種
於茲士其先後崇功偉業直與袁山秀水流峙無窮凡
屬部內得以飲和食德寢處不驚皆曰文武公祖父母始
謀之遠且大也其防患捍災恤民蠲兵諸善政未易殫
述第綜其驅除棚寇功德壽之於石足以誌不朽且戒後
之神士居民世世子孫無蹈前愆招之復入尤冀仁人
君子救斯王者綢繆未雨無替我丕祖父母之恩勤則
萬世之利賴也夫

咸豐二年壬子九月瀏陽徵藝堂會匪作亂萬載縣西黃
茅白水等處居民一日數驚同知林福祥統兵駐櫛樹
潭分防鐵山界太平關各隘口經湖南發兵勦散乃撤
防 是年廣西逆匪洪秀全率黨數萬山郴道徑犯長
沙圍其城分股擾醴陵平江等縣袁郡戒嚴

袁州府志

卷五

武備

武事

三

四年甲寅四月粵逆由湖南湘潭潰竄萍鄉教諭陳彬變
聞警入縣署籌商堵禦賊猝至城陷死之次日賊遁宣
風沿途擄掠偵知郡城有備初八日繞道走金瑞初九
日趨櫛樹潭潭埠初十日遂陷萬載縣城旋奔新昌時
各縣倉卒無備寇所至劫掠一空

十二月二十七日宜春修仁鄉突有土匪百十人直犯袁
城先是城中謠言四起人情洶洶知縣錫榮甫抵任令
典史沈錫保往該處查訪未十里見匪眾旗鼓蜂擁而
來卽馳回閉門時變起倉卒亟同官紳登城守禦開礮
斃賊目一名並搜獲城內奸細多名立斬以徇賊知無

濟竄至劉家坊被劉姓糾集壯丁攔途截殺除殲屍外
生擒數十人悉解郡正法當未發時萬載亦起浮言知
縣李皓查夜於監內查獲一人連日刑訊知爲瀏陽欲
藝堂餘孽暗地勾結土匪約日起事者縣城因於檣樹
潭地方選丁數百先行防備以故袁城無響應卽時撲
滅

五年乙卯十月十七日粵東逆匪由安福竄入陷分宜越
一二日奔萬載外委胡大元帶兵往周家市堵禦兵潰城
陷十一月初一日吉南贛甯道周玉衡遣布政司理問
林得春等人援至蓬壺寨下遇伏陣亡百餘人林得春

袁州府志

卷五

武備 武事

三

遇害粵匪亦有死傷次日賊與新昌竄匪合時僞翼王
石達開已由甯州新上連陷瑞州臨江道路阻梗十八
日上高嚴守和勾引髮賊僞將軍楊如松僞總制陳綽
號四不像統衆復陷萬載置僞監軍並設軍師旅帥卒
長各僞官勒貢錢米各區皆受其害會湖南巡撫駱秉
章遣同知蕭啓江都司楊恒升防守鐵山界三區等境
幸獲全

二十九日僞王石達開令僞職翼貴丈黃玉昆護天豫胡
以眺等自臨江率黨數萬陷分宜以僞監軍曹木立守
縣十二月初一日率其衆長驅來袁聲勢震駭居民紛

散遂陷袁州以僞總制陳寶泰管府事僞監軍胡敏管
縣事各據衙署又設僞侍衛統轄之初七日賊分黨陷
萍鄉知縣萬清招募楚勇及鄉團駐紮舖里適僞監軍
田姓來泣事迎擊之殺賊數十名賊棄城走二十九日
一復回竄藍翎從九毛勃與符帶楚勇與弟勃俊督隊先
行至黃土嶺遇伏兵敗兄弟同時遇害賊亦却退

六年丙辰正月初七日賊復陷萍鄉大肆擄掠城廂二三
十里無人煙是月湖南巡撫駱秉章奏遣卽選道劉長
佑統兵五千援江防守鐵山界同知蕭啟江都司楊恒
升皆歸節制二十八日萬載在籍主事宋仕輝舉人辛

袁州府志

卷五

武備 武事

三

辰雲謝大舒曹瑞祥等聯名稟請分路進剿巡撫駱命
劉長佑統兵由萍鄉進蕭啟江統兵由萬載進二月初
五日劉長佑率援江官軍至自湖南駐師黃花渡連戰
皆捷十一日戰於葡萄嶺賊大潰匿賀家大屋官軍圍
燒斃賊數百名遂復萍鄉初九日蕭啟江楊恒升與萬
載知縣李吉言率兵進紮楮樹潭十一日賊來撲官軍
分三路奮擊大敗之是月湖南遣都司田興恕來楮樹
潭助剿三月初一日賊屯金瑞計圖牽制我軍使不得
東下蕭啟江分三路進攻賊大敗追至廣田寶山橋殺
賊尸橫遍野是月湖南又遣都司劉培元來楮樹潭協

勦皆歸蕭啟江統帶十五日蕭啟江統帶各軍進紮栗樹均賊來犯敗之次日至大橋賊悉遁二十一日賊由金瑞襲楮樹潭楊恒升回救大敗之二十四日賊趨白夏官軍又敗之牛欄埠三月初九日劉長佑統領各軍進紮高岡舖十二日進攻蘆溪分三路包抄勇氣百倍賊大潰死者無數餘賊退回宜風十八日復擁眾至三里頭官軍又大創之賊退紮富家嶺及西村一帶是日傍晚官軍暗令親兵數人潛伏賊營對岸之來龍嶺夜半用大礮轟之賊驚潰自相蹂踐官軍乘之逐北數十里焚其土城賊乃退回袁城日役數百人湍渠開濠深

袁州府志

卷五

武備 武事

三

廣各數丈拆取房舍磚料於城上添設敵樓增築石壘塹門吊橋守禦又於西關外鳳凰山築土城豎木柵以拒官軍時劉長佑由高岡舖而蘆溪而宜風而茶亭嶺步步爲營四月進紮沙田舖四月初三日賊統萬眾分三路犯大橋我軍堅壁不動逼近數十步各營乃踴躍而出賊大奔四山亂竄我軍分頭追勦殺賊千人十三日賊復扎高城官軍擊敗追至分水均賊出城去十八日賊楊如松朱衣點與偽檢點黃日明復分踞鳳形腦馬腦山卧鬼嶺等處二十八日蕭啟江統帶各軍焚其營賊眾遁克復萬載縣城次日又敗之大畚口陣斬偽

指揮鄧象時大橋官軍盡移縣城楛樹潭雖有信同營力薄不能支舉人謝大舒馳稟劉道請分兵截賊西竄路次日兵至洪塘賊果至敗之楛樹潭得無患五月初八日賊分東南北三路犯萬載我軍分頭迎擊敗之是月舉人彭壽頤優貢廖連城等起兵高村二十一二等日荒塘賊至羅陂頭銅鼓賊至上坪皆擊敗之大橋得無患是月卽選道劉長佑統領各軍由沙田鋪進紮城西得勝嶺迤南一帶並分兵防守鍾家嶺俾上游不得接濟同知蕭啟江留兵守萬載統帶各軍由三陽橋進紮土龍袁山下等處與劉營犄角又於文筆峯下橫搭

袁州府志

卷五

武備 武事

三

浮橋阻截分宜臨江賊不得上援由是城賊出輒敗困守不敢復出六月劉長佑扎飭宜春生員謝燮梅分官生員盧嶽等各選壯丁數百號協勇隨官營助勦七月初七日賊眾冒城蜂擁而出協勇火藥不敷戰失利彬江一帶被擄掠盧嶽等房屋亦被焚燒嗣後隨官軍防勦駐紮石壁渥江等處偵獲賊探擊退援逆頗稱得力九月二十五日賊率黨數千接濟城中油鹽由東路踞彬江蹂躪數日官軍分頭衝擊賊倉皇遁去十月初四日吉安僞檢點胡某僞指揮郭某率援賊萬餘仍踞彬江下浦局紳易殿颺偵知賊分三路犯袁報知官軍亦

分三路抵禦皆獲勝仗賊退彬江下五里地名合山築土城爲負峒計十四日調防萬都司田興恕來袁助勦十六日命各營分攻彬江大軍由東路進另派都司田興恕從白竹裏進抄出賊後至四面兜勦喊殺連天賊膽裂往下狂奔斬馘甚多盧嶽等又帶協勇由河北一帶助勦賊退回分宜遂焚其土城全獲大勝十九日僞侍衛李能通密令城中難民持書乞降時城中賊分二黨一是廣匪一是李名下部卒先是寓書逼歛蕭營蕭諭令殲除廣匪盡燬軍裝火藥辭未得間至是李能通單騎私詣劉營乞降劉許之併許部下千餘人亦仍歸

袁州府志

卷五

武備 武事

三

管帶十二月初一日黎明大軍由西門進攻李能通率千餘人開門出降廣匪勢孤大軍鼓譟奮殺賊莫敢當亟開東門逃竄遂復袁州殺賊千餘奪獲器械馬匹無數其逃出餘賊又被東南團勇擒斬無遺僞檢點黃某亦在郵橋地方搜獲解湖南正法分宜僞監軍曹本立自合山賊敗後十七日卽率黨棄城遁新喻二十日復回分宜二十四日被官軍追走十一月十七日統領劉長佑撥楚軍及盧凌漢飛虎軍盧嶽所帶協勇往分宜收復縣城二十三日賊由新喻分兩股來犯一至白田被盧嶽擊敗一抵介橋被該處團勇擊退大軍於十三

月先後移勦臨江

十一年辛酉春三月金陵髮賊偽忠王李秀成由建撫渡
三汲灘連陷吉臨瑞眾號十萬蔓延新昌上高新喻焚
淫擄掠各縣大受其害知府陳喬樞飛飭各縣團練萬
載知縣魏邦達督飭武舉張弼臣謝殿傳優貢廖連城
附貢王如綸等亟起保安保和保泰三營並各團勇禦
之四五月間賊迭犯境連擊敗於高村港口羅城刁芳
寒婆坳等處遂復新昌撤還罷兵六月賊由銅鼓復陷
新昌突入萬載羅城廬家洲一帶焚殺擄掠郡邑大震
知縣魏邦達馳令廖連城等速集勇援勦連戰皆捷追

袁州府志

卷五

武備 武事

七

出新昌境外七月初十日賊由上高竄入分宜洞村雙
林金塘介等處十一日由昌山逼近宜春知府盛元督
飭宜分各團堵勦並調萬載保安保和營協勦賊乃悉
眾遁新喻

同治四年乙丑四月提督鮑超霆營兵變由湖北咸甯突
入萬載境練勇禦於三百興敗績遂陷縣城擄殺男婦
以數百計越二日徑趨袁州知府朱振榮知縣胡湛協
鎮瑞林都司江清登陴守禦一面募勇五百名分布城
上一面檄在城紳士率同居民防守次日賊墜梯攀援
而上城上礮石雨下斃賊多名賊稍卻於城外焚殺擄

掠慘不可言至二十八日各鄉練勇及分宜萬載兵至賊始竄萍之宜風二十九日陷萍鄉焚殺之慘倍於粵逆城廂死者枕籍四路團練堵擊連日互有殺傷旋因兵勇日眾五月初三日遁攸縣

六年丁卯五月初七日瀏陽齋匪姜本志等糾黨二百餘於達澗地方倡亂初九日竄萬載仙源十一日至大橋裏脅近千人五區練紳袁丹萼聞報卽帶勇馳堵次早賊來撲適鮑承宣等至率勇夾攻殺斃匪徒二百餘人逃至上地坳高嶺等處又經該處練紳廖連城楊應楨等分頭堵殺約數百名餘潛回瀏境者盡皆伏誅先是

袁州府志

卷五

武備 武事

二十六

齋匪鄧紹才王輝福等謀起事經廖連城稟報知縣章甫督團掩殺又巡撫劉坤一先經委候補府駱敏修往查知該處距新昌鍾鼓灘陽及宜春之慈化仙人廟不遠吃齋傳教者極多及是任袁州府聞報卽飛飭團練速勦又與都司江清帶兵二百名親往萬載縣督辦以故不日勦滅宜春之陳仙人廟爲藏匪淵藪是冬亦乘其機焚燬追散

九年庚午十月湖南會匪作亂擾及醴陵賀家橋漸近萍境袁州戒嚴萍鄉知縣王明璠請兵於各隘堵禦並邀同紳士勸輸餉需募勇守城晝夜嚴查得保無虞